

UKIOQ MISSINGERSUUSIORFIK 2022-MUT KOMMUNINUT ATAATSIMOORTUMIK TAPIISSUTINIK ISUMAQATIGIISSUT

Ataatsimut isigalugu

Kommunit Namminersorlutik Oqartussallu augusti 2020-mi missingersuusiortarnermik kommunit kiisalu Namminersorlutik Oqartussat akornanni suleqatigiinneq pitsanngortinniarlugu ataatsimullu suleqatigiinnikkut siunissami attanneqarsinnaasumik aningaasaqarnermi politikeqalernissamut periarfissiisussamik pisortanilu suliaasat naammassineqartarnissaannut isumaqatigiissusiorput.

Missingersuutininik suleqatigiinnissamik isumaqatigiissummi suleqatigiinnerup aaqqissuunneqarnissaa sammeneqarpoq. Pisortat sulianik isumaginninnerat ataqatigiissarniarlugu ungasissumullu isigisumik aningaasaqarnermut politikip patajaatsuunissaa isumannaarniarlugu nuna tamakkerlugu kommuninilu immikkoortuni pilersaarutit atornerqarput. Key Performance Indicatorsinik (KPI) atuineq politikikkut pingaarnertut anguniakkat sunniutaasa siuariartornerannik naliliinissamut pingaaruteqassapput. Pisortat aningasaqarnerat innuttaasut katitigaanerisa ninnerannik ilungersunartorsiortinneqarnerat COVID-19-illu sunniutaanit KPI-nik pisariaqartitsineq annertusiartorpoq.

Namminersorlutik Oqartussat kommunillu suleqatigiinnerannik nukittorsaanermut atatillugu Naalakkersuinikkut Ataqatigiissaarisooqatigiit (NA) ataatsimiinnerit ingerlaqqilerput. Kommunit Namminersorlutillu Oqartussat politikeritigoortumik oqaloqatigiittarnerannik suleqatigiinnerannillu pitsanngorsaanissaq ataatsimiittarnerit siunertaraat.

Ukiut missingersuusiortarfiusuni 2020-mi 2021-milu kommunit Naalakkersuisullu akornanni ataatsimoortumik tapiissutinik isumaqatigiissummut isumaqatigiittoqarsinnaasimanngilaq.

Suliaasami peqataasut 2023-mi ataatsimoortumik tapiissutinik isumaqatiginninniarnissat tungaannut, pisortanut aningaasaqarnikkut allaffissornikkullu sunniuteqartunik inatsisiliornikkut suliniutinik akuersissuteqartoqarnerata nassataannik kukkusumik missingersuusiorsimasinnaanermik tamakkiisumik oqimaaqatigiittoqarnissaanit sunniutaasunik naliliisussamik suleqatigiissitamik pilersitsinissaq isumaqatigiissutigaa. Tamanna Namminersorlutik Oqartussat kommunillu akornanni paarlaatseqatigiinnermut tunngavoq. Misissuineq utertitsinissamik aaqqissuussinertut ittumut tunnganngilaq. Suleqatigiisitaq suliniutit kingunerisaannik ajunngitsorsinissamut siunnersuusiussaaq.

Immikkoortunut pilersaarutit

Immikkoortunut pilersaarutit ukiorpaalunni atuuttussat inuiaqatigiit katitigaanerisa allanngoriartornerat tunngavigalugu suliarineqassapput, tassani ukiut tamaasa suliaasami peqataasut pisortat aningaasarsiortarnerannik piffissamut ungasinnerusumut pilersaarusiortarnerat

NAMMINERSORLUTIK OQARTUSSAT KALAALLIT NUNAANNI KOMMUNIT

aallaavigineqassaaq, suliarineqartullu kingusinnerusukkut aningaasanut inatsisip kommunillu missingersuusiaannik suliaqarnermut ilanngunneqarsinnaallutik.

Immikkoortunut pilersaarutit suliarinerini ilaatigut suliassat nuunneqartussat piareersarfiginissaannut siunnersuuteqartoqartarpoq. Kommunit akisussaaffeqarfiit amerlanerusut tigorussapaat, tamatumunnga ilanngullugit sanaartornermut tunngassuteqartut. Suliassami peqataasut isumaqatigiissutigaa taamaaliornissat sukumiisumik piareersarneqassasut imatullu pissasut sanaartornerit ingerlaavartunngortillugit aamma kommunit akornanni sanaartornermut aningaasat agguanneqartarnerannut naammaginartunik periarfissiisoqassasoq.

Susassaqaarfik aalajangersimasumut tunngatillugu nuna tamakkerlugu kommuninullu immikkoortunut pilersaarutit sanaartortitsinernut aningaasanik kommuninut nuussisoqassappat tunngaviatigut piumasarineqassapput. Nuna tamakkerlugu immikkoortunut pilersaarutini aammalu Namminersorlutik Oqartussani kommuninilu immikkoortunut pilersaarutini suliaqartarnermut taakkuninngalu ingerlaavartumik ataqatigiissaarinnermut atatillugu ukiuni tulliuttuni annertuumik salliutitsilluni suliniuteqartoqarnissaa pisariaqartinneqarpoq. Taamaallunilu immikkoortunut pilersaarutini suliaqarneq nuna tamakkerlugu anguniakkanik qulakkeerinnissaaq, tamatumani kommunini immikkoortumut pilersaarutini najukkami/kommunimi pisariaqartitanut atatillugu atuutsitsilernissaa qulakkiissallugu.

Tamatuma peqatigisaanik attanneqarsinnaasumik ineriartortitsinissaaq, tassungalu ilanngullugu FN-ip anguniagaasa (SDG-mik anguniakkat) Kalaallit Nunaannut attuumassuteqartut anguneqarnissaannut siunertanik suliniutinillu ilanngussinissamut immikkoortunut pilersaarutit atussallugit naleqquttuupput.

Ataatsimoortumik tapiissuteqartarnermik nalimmassaasarnermillu periuseq atuuttoq

Ataatsimoortumik tapiissutinut naligiissaarinnermillu periuseq atuuttoq sulit atuutissasoq, suleqatigiit isumaqatigiissutigaa, aamma ilanngullugu Kommuneqaarfik Sermersuumit kommuninut allanut 90 mio. kr.-nik immikkut agguasseqqinnissaaq. Periuseq nutaamik taarserneqarnissami tungaanut atuutissaaq.

Naalakkersuisut ataqatigiissumik akileraartarnikkut aaqqissuusseqqinnissamik piareersaasiorlutik ataatsimut suliniutaanut atatillugu, maanna kommuninut ataatsimoortumik akileraarutip procentiata annertussusianik nalileeqqittoqassaaq, taamatullu siunissami piujuartitsisumik kommuninut ataatsimoortumik akileraarutip procentiata annertussusianik allanik aalajangersaanikkut periarfissanik kingunerisassanillu nassuiaatit ilaatinneqassapput. Kommuninut ataatsimoortumik akileraarummi apeqqummut tunngatillugu, kommunit misissueqqissaarnermik suliaqarnermut ilaatinneqassapput.

Suliniutit immikkut ittut kommunit Namminersorlutillu Oqartussat peqataanissaannik pisariaqartitsiffiusut

Missingersuusiortarnermi suleqatigiinnissaaq pillugu isumaqatigiissuteqarnermi ataatsimoortumik tapiissutit pillugit isumaqatigiissutit piffissamut ungasissumut pilersaarusanut naapertuutsinneqarnissaaq pisariaqarpoq. Ataatsimoortumik tapiissutinut isumaqatigiissutit pisortat

NAMMINERSORLUTIK OQARTUSSAT KALAALLIT NUNAANNI KOMMUNIT

suliaasa ersarissumik aaqqiiviginissaat qulakkeerniarlugu, atortussallu sorliit atorlugit ataatsimoortumik paasinnittoqarnissaani aningaasaqarnikkut atasinnaasumik ineriartortitsinissami kommunit aamma Namminersorlutik Oqartussat akornanni tulluurtumik suliassanik agguaassisinnaanermut ajunngitsumik tunngaviliissapput.

Tamatumanilu paasillugu inuiaqatigiit aaqqissuussaaniikkut ajornartorsiutaasa qaangerniarneranni pitsaasumik suleqatigiinnissaq pisariaqartinneqarmat. 2022-mut ataatsimoortumik tapiissutit pillugit isumaqatigiissummi suliassaqrarfiit uku iluanni suliniutit immikkut ittumik ukkatarineqassapput:

Pisortat suliagarfiini aningaasaqarnikkut pitsaanerusumik aqutsineq:

Namminersorlutik Oqartussanut kommuninullu missingersuusiortarnermut naatsorsuusiortarnermullu inatsit 1. januar 2018-imi atulersinneqartoq naapertorlugu, missingersuusiortarnermi ataqatigiissaarinnermut naatsorsuutit pitsaanerusut, pisortani tamani aningaasaqarnermik aqutsinerup pitsanngorsarnera aamma kommunini Namminersorlutillu Oqartussani aningaasaqarnermik attanneqarsinnaasumik ineriartortitsineq qulakkeerneqassallutik.

Inatsisip atulersinniarnerni kommunit peqataatinneqarput, ilaatigullu Missingersuusiortarnermut Naatsorsuusiortarnermullu Siunnersuisoqatigiit inatsisitigut aalajangersagaasukkut kommunit pisortatigoortumik peqataatinneqarnerisigut, tassanilu kommunimi aningaasaqarnikkut aqutsineq pillugu allaffissornikkut najoqqutassat aalajangersarniarnerini ilaatigut suliassiisoqartassalluni. Matumani pisortat ataatsimoortumik aningaasaqarnikkut aqutsinnermut sakkussaasa atulersinneqarnissaat aamma digitalinngorsaanermut pisiniartarnermullu susassaqrarfiimi suliniutit eqqarsaatigalugit sunniutaasinnaasut ataatsimullu iluarsisutissat sapinngisamik annerpaamik atorluarneqarnissaat anguniarneqarpoq.

Tamatumunnga atatillugu paatsuungasoqaqqunagu oqaatigineqassaaq § 2 naapertorlugu missingersuutit tamarmiusut naatsorsorneqarnissaa 2021 ilanngullugu atorunnaarsinneqarmat. 2021-mi Inatsisartut ukiakkut ataatsimiinnerani inatsisissatut siunnersuummik, kommunit Namminersorlutillu Oqartussat 2023-mut missingersuutaannut atuuttussamik, april 2022-p naannginnerani missingersuutit inissisimaffiannik nalunaaruteqarnissaq nassataqartussamik saqqummiussisoqarnissaa naatsorsuutigineqarpoq.

Kommunit aningaasaqarnerannut tunngatillugu kommunit ilaanni ilungersunartoqarpoq. Tamanna tunngavigalugu Kommune Kujalliup Avannaatalu Kommuniata 25 aamma 20 mio. kr.-nik taarsigassarsinnaanerat Namminersorlutik Oqartussat juulip qaammataani 2021-mi akuersissutigaat.

Inissianut tamakkiisumik pilersaarut

Piffissaq sivisuumi pisortat inissianik attartortittagaani kiisalu immikkoortumi ilungersunartut annertuut aallunneqarput, tassanilu minnerunngitsumik inissiat iluarsartuunneqarnerani kinguussaaneermut atatillugu pissutsit ilanngullugit. Tamanna tunngavigalugu Inissianut tamakkiisumik pilersaarummik suliagarneq aallartinneqarpoq.

NAMMINERSORLUTIK OQARTUSSAT KALAALLIT NUNAANNI KOMMUNIT

Inissiat attartortakkat peqqinnartuunissaat, inissianik attartortitaqartarnermik ikiorsiinissaq, ilinniakkanik pikkorissaanernillu kajumissusiliinissaq kiisalu suliffissaqartitsineramik attassinissaq, inissianut tamakkiisumik pilersaarummi anguniagaavoq. Tamanna taamaallaat annertuumik akimuisumik suleqatigiinnikkut pisinnaavoq.

Periutsit anguniakkallu tulluuttut siunissami pisortat inissianik attartortittagaanni tunngaviupput:

- Pisortat inissiaannut attartortittakkanut taassuma piujuartitsisumik aningaasaqarnikkut, ingerlatsineramik qulakkeerinniffiullunilu naammattumik inissianik illuutinillu iluarsartuussiffiusumik qulakkeerinninnissaq anguniagaassaaq.
- Piujuartitsisumik aningaasaqarnermi nunatta karsianik kommunillu karsiannik, ukiumoortumik aningaasaqarnermut inatsimmi aalajangikkanik kommuninillu missingersuutitik isumaqatiginninniarnermut isumalluuteqannginneq tunngavissaavoq.

Inissianut tamakkiisumik pilersaarummi anguniakkanut siulianiittunut ilapittuisumik suliniuteqarnissaq siunertaavoq.

Attartortut ineqarnermut tapiissutitik pisariaqartitsisut suli tassannga pissarsisartuunissaat, akerlianillu attartortut imminnut inissianik pilersorsinnaasut taamaaliornissamut kajumitsinneqarnissaat tamakkiisumik pilersaarummi qitiusumik periusiuvoq.

Suliassat tulluuttut anguneqarnerisigut Inissianut tamakkiisumik pilersaarut naammassissaaq:

- Piginnittutut aqqissuussineq ingerlatsinermi iluarsartuussinermilu nalunaaruteqarnissamut piumasaqaatit assigiaartuullutillu naammassineqarnerat atorlugu inissiat kommuninut tunniunneqartut.
- Pisortat inissianik attartortittagaannik iluarsartuussinermi kinguussaanermik annikillitsinissamik suliaqarnissamullu periutsimik akuersisoqarnerani.
- Ineqarnermut akiliutit isumaginninnikkut illersorneqarsinnaasumik aaqqinneqareerneranni, taamaalilluni ingerlatsinermit iluarsartuussinernullu atatillugu isertitat aningaasartuutillu ataqatigiillutik.
- Inuussutissarsiutit, suliffissaqartitsineq inuussutissarsiutitigullu suliniutit imminnut ataqatigiittut akunnerminnilu naapeqatigiiffimmik sanaartornermik inuussutissarsiortuni pisariaqartitsinermik naammassinnissinnaanermillu ingerlaavartumik annertussusiliisoq, taannalu naapertorlugu suliniutitik aaqqinneqarallassoq.
- Ilinniarnermi suliniutit sanaartornermi ingerlatsisuni pisariaqartitsinermik aallaaveqartut.
- Suliffissaqartitsinermik suliniutit sanaartornermi pisariaqartitsinermik aallaaveqalerpata.

Ineqarnermi tamakkiisumik pilersaarut annertuunik pisariusunillu unammilligassaqarmat assortugassaanngilaq. Anguniakkat angusinnaajumallugit Namminersorlutik Oqartussani immikkoortortanik akimuisumik suleqateqarluni ataqatigiissarneqarlutillu ineriartortinneqartariaqarput, taamatullu aamma kommuninik soqutigisaqartunillu allanik qanimut suleqateqarnikkut.

NAMMINERSORLUTIK OQARTUSSAT KALAALLIT NUNAANNI KOMMUNIT

Meeqqat inuusuttullu atugarliortut pillugit nukittunerusumik suleqatigiinneq

Namminersorlutik Oqartussat qallunaallu naalakkersuisuisa ataatsimoorlutik meeqqat inuusuttullu atugarliortunut suliniarnerup suleqatigiinnikkut pitsanngorsarnissaa isumaqatigiissutigaa. Suliaq 16-inik siunnerfeqarpoq, taakkulu ataatsimut meeqqat inuusuttullu atugarliortut atugaannik pitsaanerulersitsissapput.

Kommunit meeqqanut, inuusuttunut ilaqutariinnullu suliaat pingaaruteqarlutillu suliat amerlasoorujussuunerat, taamaalillunilu kommunit meeraq/inuusuttoq taassumalu ilaqutaanik piffissaagallartillugu pisariaqartumik ikiuisinnaanerata ajornarsinnaasarnera, immikkoortumi annertuumik ilungersunartoqarpoq. Taamaammat maannakkut Namminersorlutik Oqartussat meeqqanik aamma inuusuttunik taakkulu ilaqutaannik sullissinerat kommunit meeqqanik aamma inuusuttunik taakkulu ilaqutaannik toqqaannartumik ikiorneqartariaqartunik sullissineranut ikorfartuineruvoq. Namminersorlutik Oqartussat kommuninik suleqatigiinnerat kalaallit qallunaallu meeqqat inuusuttullu atugarliortut pillugit suliniutaanni 16-init tunngaveqarpoq.

Meeqqanut inuusuttunullu suliaassat kommunini suliarineqanngitsut ikilisinnissaat suliniutit 16-ini ilaapput. Tassunga atatillugu kommunit suliniummit tassunga annertuumik pissarsipput, tamatumalu ukiuni aggersuni nangingneqarnissaa naapertuuttut nalilerneqarpoq. Siunertamut tassunga Namminersorlutik Oqartussat 2022-2024-mi kommuninut ataatsimoorlumik tapiissutitigit ukiumut 5 mio. kr.-nik aningaasaliipput, tassanilu immikkoortumi suliat uninngaannartut sulii ikilisinnissaat, taamaalillunilu meeqqani inuusuttunilu atugarliortuni atugarissaarnerup annertusarneqarnera qulakkeerneqassaaq. Taamattaaq Namminersorlutik Oqartussat angajoqqaarsianut sullissisoqatigiit, kommunini angalaarlutik suliat tamarmik misissorneqarnissaat, angajoqqaarsianullu siunnersortit suleqatigalugit suliaqartinneqarnissaannik qularnaarisussat pilersippaat. Siunertamut tassunga 2022-2024-mi ukiumut 1 mio. kr.-t aningaasaliissutigineqarput. Angajoqqaarsianut sullissisoqatigiinnik suliniut nalilersorneqassaaq. Immikkoortumi tassani kommunit akisussaaffigisaanni Namminersorlutik Oqartussat suliniummik nukittorsaarnerat piffissamik killiligaavoq. Kommunit naammassisaqarfiunerusumik piginnaasaqarnerusumillu immikkoortumi sulianik suliarinninnissaannik ikiuinissaq anguniagaavoq, taamaalilluni aningaasaliigallarnerup qaangiunnerani kommunit namminneerlutik immikkoortumi suliaassanik kivitsisinnaaleqqullugit.

Meeqqanut, Inuusuttunut Ilaqutariinnullu Naalakkersuisup ulloq unnuarlu angerlarsimaffinni akit aalajangersarnissaannut borgmesterit oqaloqatiginnikkiartoqqullugit qaaquai. Ilanngussaq 2-mi kommunit Namminersorlutik Oqartussat meeqqanut inuusuttunullu kiisalu innunut innarluutilinnut ulloq unnuarlu angerlarsimaffimmiititsinermi akigitinneqartunut takussutissaq ilanngunneqarpoq.

Kommunit atuisut immikkoortumi aningaasartuutiviusunik matussusiinissaat tunngavissaatillugu Isumaginninnermut Aqutsisoqarfimmit akit naatsorsugaapput.

2023-mi ataatsimoorlumik tapiissutissanut isumaqatigiissuteqarnissamik piareersarneq

Suleqatigiit kommunit Namminersorlutillu Oqartussat akornanni ataatsimoorlumik tapiissutisiassat pillugit isumaqatiginninniarnert naammassineqassasut aammalu ukioq maannamut sanilliullugit siusinnerusukkat inerineqassasut anguniarpaat.

Namminersorlutik Oqartussat inissiaataasa attartortittakkanik ingerlatsilernissamut piareersarneq immikkut sammisatut isikkoqassaaq, taannalu immikkut ittumik siunertaqartillugu suliarineqassaaq.

Ulloq unnuarlu najugaqarfiit (tamakkiisumik ilaannakortumilluunniit) aqutarilersinnaaneriniq aammalu kommunit nammineernerulernissaannut tunngatillugu pilersitsinissamut suliareqqaagassat pillugit apeqqutit aammalu pisariaqanngikkaluamik inatsisiliortoqartarnersoq pillugu qulaajaanissaq suleqatigiit akornanni ataavartumik eqqartueqatigiittarnikkut erseqqissaatigineqarumaarpoq. Politikikkut Ataumatigiissaarisartoqatigiit suliap tamassuma ingerlanera pillugu ilisimatinneqartassapput.

2022-mi kommunimut ataatsimoortumik tapiissutit

Kommuninut ataatsimoortumik tapiissutit 1.617.411.000 kr.-nik annertussuseqarput. Ilanngussaq 1-imi takuneqarsinnaavoq isumaqatigiissut aqutugalugu ataatsimoortumik tapiissutit 2021-mut sanilliullugu qanoq allannagortinneqarsimanersut. Isumaqatigiissummi immikkoortut ataani nassuiaatigineqarput.

1. Akit aningaasarsiallu aaqqiiviginerat

2021-mi aningaasanut inatsit 2022-mi ataatsimoortumik tapiissutit 1.600,6 mio. kr.-nut aallaaviuvoq. 2022-mut ataatsimoortumik tapiissutit aallaavianni kommunit ineqarnermut tapiissutitut siusinaartumillu soraarnerussutisiani inatsisit naapertorlugit ikiorsiissutaannut aningaasartuutit katillugit 249,9 mio. kr.-t isumagineqarnerat ilaavoq. Taakku saniatigut aningaasanut inatsimmi kommunit aningaasaataat 7,5 mio. kr.-t Qallunaat Nunaanni Kalaallillu Nunatsinni inissitanut qitiusumik aningaasaliissutitut ilanngaatigineqarput. 2022-mi ataatsimoortumik tapiissutitut allaavik pissutsitut taakkununga naqqineq 1.358,2 mio. kr.-uvoq.

2022-mi ataatsimoortumik tapiissutit akinut aningaasarsianullu aaqqiissutini pissutsitut siuliani taaneqartunut 1.358,2 mio. kr.-t 0,9 %-imik naqqinneqartut suleqatigiit isumaqatigiissutigat, taannalu 2022-mi 12,2 mio. kr.-nik naleqarpoq.

Naatsorsueriaaseq isumaliutigeqqinneqarlunilu naqqinneqassasoq kommunit kaammattuutigaat. Kommunit kammattuutigaattaq, kommuninut ataatsimut tapiissutit akinut akissarsianullu iluarsineqarnerat naalagaaffiup ataatsimut tapiissutaata iluarsineqarneranut assingusumik katiterneqassasoq. Akinut akissarsianullu iluarsinermut aqqissuussaq 2023-mi ataatsimut tapiissutiniq isumaqatiginninniarnermut ilaassaaq.

2. 2020-mut ineqarnermut tapiissutiniq iluarsineq

Ineqarnermut tapiissutitut aningaasartuutit 2020-mi missingersuusiarineqartunit annikinnerupput. Naatsorsuutigineqartunut sanilliullugu 2020-mi atuinerup akilersinneqarneratut, kommuninut ataatsimoortumik tapiissutit 2022-mi 2.839.000 kr.-nik annikillisinneqassat, suleqatigiit isumaqatigiissutigat.

3. 2020-mut siusinaartumik utoqqalinersiaqarnermut iluarsineq

Siusinaartumik pensionisianut aningaasartuutit 2020-mi naatsorsuutigineqartunit annikinnerulaarput. Tamanna tunngavigalugu kommuninut ataatsimoortumik tapiissutit 2022-mi 571.000 kr.-nik annikillisinneqassasut suleqatigiit isumaqatigiissutigaa.

Iluarsiissut taanna ungasinnerusoq isigalugu atorunnaassasoq kommunit paasivaat, immikkoortormi 1. juli 2021 aallarnerfigalugu kommuninit tamakkiisumik aningaasalersorneqalerpoq. Taamaammat iluarsiissut kingulleq 2023-mi pissaaq.

4. 2012-mi akileraarutininik allanngartitsinerup atulersinnera

Inatsisartut 2012-mi Ukiaanerani ataatsimiinnermi akileraarutininik allanngartitsinissaq akueraat. Akileraarutininik allanngartitsineq, sinneqartoorutininik ingerlaannarlun nalikilliliinernut maleruagassanik allanngartitsinernik ilaatigut kinguneqarpoq, tassani aningaasaqarnikkut sunniutaasussat 2035-ip tungaanut ukiuni arlalinni atulersinneqartussaallutik.

Tamanna tunngavigalugu ataatsimoortumik tapiissutit 2025-mit 921.000 kr.-nik qaffanneqassasut suleqatigiit isumaqatigiissutigaa.

5. Soraarnerussutisianut aaqqissuussinermi peqataasussaatitaaneq

2016-imi Inatsisartut ukiaanerani ataatsimiinneranni immikkoortup 19-ip ataani soraarnerussutisianut aaqqissuussinermut peqataasussaatitaaneq pillugu Inatsisartut inatsisaat akuerineqarpoq. Kalaallit Nunaanni soraarnerussutisiaqarnermi aaqqissuussinernut akiliuteqarnerulernissap malitsigisaanik kommunit akileraarutininik iluanaarutissaminnik annaasaqarnerat, soraarnerussutisianut aaqqissuussinermut peqataasussaatitaaneq pillugu Inatsisartut inatsisaata malitsigaa. Tamatuma saniatigut Inatsisartut inatsisaat akuerineqarmat Kalaallit Nunaanni aningaaseriviit soraarnerussutisiassanut neqeroornissamut periarfissinneqarput, tamannalu aamma Kalaallit Nunaanni soraarnerussutisiaqarnermi aaqqissuussinernut akiliutit qaffannerannik kinguneqarpoq, taamatuttaaq kommunit akileraarutininik iluanaarutaasa annikinnerulernerannik tamanna kinguneqarluni.

Tamanna tunngavigalugu, soraarnerussutisianut aaqqissuussinermi peqataasussaatitaanerup atulersinnerata ingerlaannarneranut ilaatillugu, ataatsimoortumik tapiissutit 2025-mi 11.874.000 kr.-nik qaffanneqassasut, suleqatigiit isumaqatigiissutigaa. Soraarnerussutisianut aaqqissuussinermi peqataasussaatitaanerup atulersinnera 2026-p tungaanut ingerlaannartussaavoq.

Inatsisartut 2020-mi ukiakkut ataatsimiinneranni immikkoortoq 19-imi inatsisissatut siunnersuummik, pinngitsoornani soraarnerussutisiannik katersinermi pisussaaffiup atulersinneranik kinguartitsisoq akuerineqarmat erseqqissaatigineqassaaq. Tamatuma malitsigisaanik 2020-mi akiliutigittinneqartoq 6 % 2021-mi 2022-milu sulit atuutissaaq. Tamatuma kingorna atulersitsineq tunngavigineqartoq malillugu ukiumut 1 %-imik nangingneqassaaq, taamaalilluni 2026-mi tamakkiisumik atuutilernermi 10 %-iussalluni. Pinngitsoornani soraarnerussutisiaqalernissamut ileqqaarnissamik aaqqissuussineq 2016-imi Inatsisartut ukiakkut ataatsimiinnerani akuersissutigineqarmat, soraarnerussutisiassanik pinngitsoornani aaqqissuussaqaarnissap 2024-mi tamakkiisumik atuutilersimanissaa tunngavissaatinneqarpoq.

6. Pisortat ataatsimoorlutik qarasaasiakkut aqutsissutitut immikkoortortamut tapersiissutissat (kontu pingaarneq 20.50.01) aamma ERP-p ineriartortinneqarneranut digitalinngorsaanermullu ilapittuutit (konto pingaarneq 20.50.01)

- 6. Pisortat ataatsimoorlutik Qarasaasialeriffiannut ilapittuut (konto pingaarneq 20.50.01)

AIS2021-mi Aningaasaqarnermut sulisoqarnermullu tunngasunik qarasaasiakkut aqutsissutitut pisortat ataatsimut immikkoortortaannut aningaasaliissut 2021-mi 1.348.000 kr.-nik ilaneqarput. Aningaasaliissutitut qaffaaneq ERP-mik aqqiissutit nallimassarnissaanut pilersuisumit iluarsaanernut aningaasartuutit, hostingimut aningaasartuuteqarnerulernermut serverinullu amerlanerusunik atuisinnaanermut kiisalu aqqiissuussanik ikorfartuutitut ingerlatsinermut ineriartortitsinermullu aningaasartuutit il.il. malitsigisaannik pivoq. 2022-mit aningaasat nuunneqarnissaat pisariaqarpoq tamannalu AIS2022-mut ilanngunneqarpoq.

Tamanna tunngavigalugu suleqatigiit kommunit pisortat ataatsimoorussamik Qarasaasiamik ingerlatsiviata ingerlanneqarneranut kommunit agguagarsiaata aningaasalersornissaanut 2022-mit 674.000 kr.-nik ataatsimoorlutik tapiissutit appartinneqarnissaat isumaqatigiissutigaa.

- 6.1. ERP-p ineriartortinneqarneranut digitalinngorsaanermullu ilapittuutit (konto pingaarneq 20.50.01)

Pisortat ataatsimoorussamik ERP-mik aqqiissuussap atulersinneranut inaarsaanermut atatillugu, ingerlaavartumik aqqiissummut ilassuteqarnissamik, digitalinngorsaanermut nutaamut aqqiissuussamik tapiliussatut pisariaqartitsinerit takkuttarput, soorlu E-boksimut. Tamatuma saniatigut assaannarmik suliarineqartartut maskiinanit isumagisassanngortillugit pisariillisaaneq aamma ilaavoq. Ineriartortitsinermut pisariillisaanissamullu suliniutit arlallit pilersaarusiorneqarput, taakkunungalugu aningaasalersuinissaq pisariaqalissalluni. Ingerlaavartumik ineriartortitsineq ukiumoorlutik 2,0 mio. kr.-nik aningaasaliinikkut ikorfartorneqarsinnaasoq naatsorsuutigineqarpoq.

Tamanna tunngavigalugu, kommunit siunertamut 2,0 mio. kr.-nik ukiumoorlutik aningaasaliissutigisartagai aningaasaliiffiginiarlugit 2022-mit ataatsimoorlutik tapiissutit 1.000.000 kr.-nik appartinneqassasut suleqatigiit isumaqatigiissutigaa.

7. Qitiusumik immikkoortitanit aningaasanik utertitsineq (konto pingaarneq 30.13.07)

AI2021-mi konto pingaarneq 30.13.07 Danmarkimi Kalaallillu Nunaanni inissiinernut qitiusumik immikkoortitat 7,5 mio. kr.-nik aningaasaliiffigineqarpoq. Aningaasaliissutit kommuninut ataatsimoorlutik tapiissutitut ilanngaanikkut aningaasalersorneqarput Isumaginninnermullu Aqutsisoqarfimmit aqunneqarlutik.

Aningaasaliissutitut 4,5 mio. kr.-t inunnik innarluutilinnik Qallunaat Nunaanni Kalaallillu Nunaanni inissiinerit immikkut akisuunut aningaasaliinissamut siunertaqarput.

Kommunit siunissami inissiinerit immikkut akisuunut aningaasaliissutitut nammeneq aqutsinissamik kissaateqartut Isumaginninnermut Aqutsisoqarfiup nalunaarutigaa. Aningaasanik utertitsinermi aningaasaliissutissani 3,0 mio. kr.-t sinnerutissapput, taakkulu immikkut tassanngaannartumik suliniutinik ikorfartuutitut il.il. suli atorneqassapput.

Tamanna tunngavigalugu 2022-mit ataatsimoortumik tapiissutit 4.500.000 kr.-nik qaffanneqarnissaat suleqatigiit isumaqatigiissutigaa.

8. Meeqqanut immikkoortumi suliniutit annertusarnerat

Kommunini meeqqanut immikkoortumi suliniutit pitsanngorsarniarlugit 2022-2024-mi ataatsimoortumik tapiissutini 5,0 mio. kr.-t immikkoortinneqarput. Aningaasat kommunini meeqqanut inuussuttunullu suliaasat suliarineqanngitsut ikinnerulernissaannut immikkut suliniutinut kommuninit atorpeqassapput.

AIS2022-mi suliniummut siuliani taaneqartumut aningaasaliissutit konto pingarneq 30.10.49 Sumiginnaaneq akiorniarlugu isumaginninnikkut suliniutit ivertinneqarput, tamannalu immikkoortumi Namminersorlutik Oqartussani isumaginninnermi siunnersortinik kommunit sulinerannik ikorfartuisussanik atorfinitsitsinnikkut qitiusumik suliniuteqarnissaq siunertaralugu pivoq.

Suleqatigiit isumaqatiginninniarnertat tunngavigalugu suliniutit taassuma kommunini ingerlanissaa isumaqatigiissutigineqarpoq.

Tamanna tunngavigalugu 2022-2024-mi ataatsimoortumik tapiissutit 5.000.000 kr.-nik qaffanneqarnissaat suleqatigiit isumaqatigiissutigaa.

9. Nunaqarfinni isorliunerusunilu inuussutissarsiornermik ineriartortitsinermit aningaasaliissutinik nuussineq

Aningaasanut inatsimmi konto pingarneq 64.01.05 Nunaqarfinni isorliunerusunilu inuussutissarsiutinik ineriartortitsineq aningaasaliissutit 5.890.000 kr.-t 2022-mit kommuninut ataatsimoortumik tapiissutit aqutugalugit kommuninut nuunneqarnissaat Naalakkersuisut kissaatigaat.

Konto pingarnermi aningaasat kommunimi nunaqarfiit amerlassusaat naapertorlugu kommuninut agguanneqassapput, tamannalu aningaasaliissutit kommuninut ataatsimoortumik tapiissutinut nuunneqarnerisa kingorna atuutiinnassaaq. Aningaasaliissutinik kommuninut nuussineq Naalakkersuisut suliaasanik kommuninut nuussinissamik kissaateqarnerannik tunngaveqarpoq, tamannalu aningaasanik atuilluarnernerumik aqutsilluarnernerumillu kinguneqarniartussaavoq. Ataatsimoortumik tapiissutini aningaasaliissutit kommunini ataasiakkaani siunertamut immikkut immikkoortitaapput. Inuussutissarsiornermut Niuernermullu Naalakkersuisoqarfik kommuninik oqaloqateqarluni aningaasat atorpeqarnissaannut tunngavinnik erseqqissaanerussaaq.

Tamanna tunngavigalugu 2022-mit ataatsimoortumik tapiissutit 5.890.000 kr.-nik qaffanneqarnissaat suleqatigiit isumaqatigiissutigaa.

10. Ingerlatsinermut tapiissutinullu aningaasaliissutini sipaarutit

Naalakkersuisut AIS2022-mi ingerlatsinermut tapiissutinullu aningaasaliissutini sipaarutit ukiumut katillugit 25 mio. kr.-nik ivertitsipput. Ilaatigut nunatta karsiata COVID-19-ip malitsigisaanik aningaasartuuteqarnera pissutigalugu aningaasanik atugassaqaarnissamik kissaateqarneq tunngavigalugu sipaarniutit pippit.

Kommuninut ataatsimoortumik tapiissutinut tunngatillugu AIS2022-mi konto pingaarneq 20.05.20 Kommuninut ataatsimoortumik tapiissutit 2022-mit aningaasaliissutit 5.763.000 kr.-nik appartinneqarnerat tamatuma nassataraa.

11. Pissutsit allat

Isumaqatigiissummi uani ataatsimoortumik tapiissutit annertussusaat 2022-mut aningaasanut inatsisissatut siunnersuummi konto pingaarneq 20.05.20 Kommuninut ataatsimoortumik tapiissutit aningaasaliissutinit nikingassuteqarput, tamannalu suleqatigiit akornanni isumaqatiginninniarnert inernerata malitsigisaanik pivoq. Namminersorlutilli Oqartussanut nikingassutit aningaasaliissutinut allanut assinganik allannguinnikkut aningaasalersorneqarnera pissutigalugu, inernerusoq missingersuutinut sunniuteqanngilaq.

Tamatuma saniatigut ataatsimoortumik tapiissutinik isumaqatiginninniarnermi sammisaq ataaseq aningaasatigut sunniuteqartoq, isumaqatigiissummut uunga ilanngunneqanngitsoq suliarineqarpoq. Tamanna taassuma Inatsisartuni suli suliarineqannginnerata malitsigisaanik pivoq, taannami Inatsisartut 2021-mi ukiakkut ataatsimiinneranni saqqummiunneqartussaavoq. Matumani aningaasarsianit akileraarutit pillugit Inatsisartut inatsisaata allanngortinneqarnera pillugu Inatsisartut inatsisaat nr. xx, xx. xxx 2021-meersoq pineqarpoq, tassanilu A-nik B-nillu isertitanut taaguutit arlallit sukaternerisigut pisariillisaanissaq siunertarineqarpoq.

AIS2022-mi isertitassatut sillimmatit ukiumut 20 mio. kr.-t aappassaaneerinninnermut atatillugu atugassanngortinneqartut ilaapput. Taakku atugassanngortinneqarnerat kommuninut ataatsimoortumik tapiissutinut kingunerisaqaarsinnaavoq.

Ilaatigut pissutsit matuma siuliani taaneqartut aningaasaqarnikkut sunniutissaat tunngavigalugit, 2022-mi aningaasanut inatsisissatut siunnersuutip aappassaanneerneqarnerani pingajussaanneerneqarneranilu ataatsimoortumik tapiissutit allanngortinneqarsinnaasut suleqatigiit isumaqatigiisutigat. Tamatuma kingorna pissutsit taakkua 2023-mi kommuninut ataatsimoortumik tapiissutit pillugit isumaqatiginninniarnermi ilaatinneqarsinnaapput.

Namminersorlutik Oqartussat kommunillu akornanni ataatsimoortumik tapiissutinut isumaqatigiisut manna, oqartussat akuersissuteqaarnissaat sillimaffigalugu isumaqatigiisutigineqarpoq.

NAMMINERSORLUTIK OQARTUSSAT
KALAALLIT NUNAANNI KOMMUNIT

Nuuk, Ulloq ____ novembari 2021.

Asii Chemnitz Narup
Aningaasaqarnermut
Nunamullu Namminermut
Naalakkersuisoq

Ane Hansen
Borgmester, Kommune Qeqertalik

Charlotte Ludvigsen
Borgmester,
Kommuneqarfik Sermersooq

Stine Egede
Borgmester, Kommune Kujalleq

Malik Berthelsen
Borgmester, Qeqqata Kommunia

Palle Jerimiassen
Borgmester, Avannaata Kommunia

**Ilanngussaq 1. Ukiumut missingersuusiorfiusumut 2022-mut kommuninut ataatsimoortumik
tapiissutit pillugit isumaqatigiisummi ilaatinneqartut**

	Isumaqati giissut	--- mio. kr. ---		
	2022	2023	2024	2025
2021-mut isumaqatigiissut malillugu aallaaviusoq	1.600.644	1.609,5	1.620,8	1.620,8
1. P/L-mi iluarsineq	12.224	12,3	12,4	12,4
2. Ineqarnermut tapiissutinik iluarsineq	-2.839	0,0	0,0	0,0
3. Siusinaartumik pensionisianik iluarsineq	-571	0,0	0,0	0,0
4. 2012-imi akileraarutinik allanngortitsinerup atulersinnera	0	0,0	0,0	0,9
5. Soraarnerussutisianut aaqqissuussinermit peqataasussaataaneq	0	0,0	0,0	11,9
6. Pisortat ataatsimoorussamik IT-nut immikkoortortaannut tapersineq (konto pingaarneq 20.50.01)	-674	-0,7	-0,7	-0,7
6.1. ERP-p ineriartortinneqarneranut digitalinngorsaanermullu ilapittuutit (konto pingaarneq 20.50.01)	-1.000	-1,0	-1,0	-1,0
7. Qitiusumik immikkoortitanit aningaasanik utertitsineq (konto pingaarneq 30.13.07)	4.500	4,5	4,5	4,5
8. Meeqqanut immikkoortumi suliniutit annertusarnerat	5.000	5,0	5,0	0,0
9. Nunaqarfinni isorliunerusunilu inuussutissarsiornermik ineriartortitsinermut aningaasaliissutinik nuussineq	5.890	5,9	5,9	5,9
10. Ingerlatsinermit tapiissutinullu aningaasaliissutini sipaarutit	-5.763	-5,8	-5,8	-5,8
Kommuninut ataatsimoortumik tapiissutit nutaat	1.617.411	1.629,8	1.641,2	1.649,0

NAMMINERSORLUTIK OQARTUSSAT
KALAALLIT NUNAANNI KOMMUNIT

Ilanngussaq 2: Isumaginninnermut immikkoortumut 2022-mi akigititat

	FL21	FFL22(pl-reguleret)	Merbevilling	FFL22		PL-regulering			
Psykolog bistand - korresponderer med 30.01.01	2.006.732	2.006.732		2.006.732					
Vedligehold af bygninger korresponderer med 30.01.04	6.845.000	6.845.000		6.845.000					
Fællesudgifter	11.601.000	10.327.000		10.327.000	Institutions andel af de samlede udgifter	til de samlede udgifter	til institution-erne	100% takst	antal pladser
Inuusuttut Inaat	17.777.554	18.527.215		18.527.215	9,4%	1.557.950	18.780.973	2.453	23
Aja	10.647.880	11.228.061		11.228.061	5,7%	944.165	11.381.846	3.108	11
Kaassassuk*	7.844.464	8.428.198		8.428.198	4,3%	708.726	8.543.635	4.278	6
Meeqqat Illuat	14.747.224	15.664.609		15.664.609	8,0%	1.317.234	15.879.159	2.650	18
Ivaneq	24.134.168	25.174.868		25.174.868	12,8%	2.116.950	25.519.675	2.738	28
Qasapermiut	12.842.145	13.474.254		13.474.254	6,9%	1.133.047	13.658.804	3.419	12
Pilutaq	22.562.276	23.272.899		23.272.899	11,9%	1.957.013	23.591.656	3.375	21
Sarliaq	19.773.675	20.815.033		20.815.033	10,6%	1.750.332	21.100.126	2.438	26
Meeqqat Angerlarsimaffiat	20.728.071	21.435.625		21.435.625	10,9%	1.802.517	21.729.217	3.108	21
Pr. Margr. Børnehjem	14.182.425	14.704.409		14.704.409	7,5%	1.236.491	14.905.807	2.488	18
Sikrede Institution	23.170.488	23.403.879		23.403.879	11,9%	1.968.028	23.724.430	3.293	16
Personalesikring på den Sikrede Institution	6.782.000	6.782.000		6.782.000					
Brugerbetaling for børn og unge fra kommunerne	-211.255.324	-216.661.059		-216.661.059	De samlede udgifter er: Psykologbistand, vedligeholdelse, fællesudgifter og overfø				
Øvrige indtægter	-1.333.000	-1.333.000		-1.333.000					
Overført mer (+) eller mindreforbrug (-) fra forrige år	3.725.221	2.686.279		2.686.279					

NAMMINERSORLUTIK OQARTUSSAT
KALAALLIT NUNAANNI KOMMUNIT

	FL21	FFL22(pl-reguleret)	Merbevilling	FFL22		PL-regulering			
Psykolog bistand - korresponderer med 30.01.01	745.269	745.269		745.269					
Vedligehold af bygninger korresponderer med 30.01.04	4.378.742	4.378.742		4.378.742	FFL22				
Fællesudgifter	6.257.000	5.295.000		5.295.000	Institutions andel af de samlede udgifter	til de samlede udgifter	til institutionerne	100% takst	antal pladser
Ivaaraq, Qaqortoq	17.958.430	19.216.365		19.216.365	11,8%	1.172.791	19.270.250	2.956	19
Qummut, satellit under Ivaaraq	4.364.590	4.669.731		4.669.731	2,9%	284.998	4.682.826	3.412	4
Palleg, Paamiut	10.421.503	11.420.201		11.420.201	7,0%	696.984	11.452.225	3.337	10
Aaqa, Nuuk	32.963.739	34.429.106		34.429.106	21,1%	2.101.237	34.525.650	3.246	31
Elisibannguaq, Maniitsoq	16.641.468	17.171.290		17.171.290	10,5%	1.047.978	17.219.440	2.390	21
Gertrud Rask Minde, Sisimiut	21.021.222	22.323.134		22.323.134	13,7%	1.362.399	22.385.731	3.624	18
Ikinngut, Ilulissat	20.055.116	20.869.280		20.869.280	12,8%	1.273.669	20.927.800	2.904	21
Nasippi, Tasiilaq	5.485.342	5.522.341		5.522.341	3,4%	337.033	5.537.827	2.690	6
Uulineq	7.172.645	7.973.674	573.903	8.547.577	5,2%	521.666	8.571.545	4.163	6
Suluppalak, satellit under Uulineq	4.572.064	4.763.106		4.763.106	2,9%	290.696	4.776.462	3.480	4
Qjimaneg, satellit under Uulineq	6.760.096	6.954.091		6.954.091	4,3%	424.414	6.973.591	5.080	4
Handicapsatellit, Uummanaq	4.966.853	5.206.677		5.206.677	3,2%	317.768	5.221.277	2.536	6
Holbøllsvej satellit under Aja	2.125.032	2.125.032		2.125.032	1,3%	129.692	2.130.991	3.105	2
Brugerbetaling fra kommunerne	-168.020.581	-172.187.724		-172.761.627	De samlede udgifter er: Psykologbistand, vedligeholdelse, fællesudgifter og overført				
Øvrige indtægter	-1.333.000	-1.333.000		-1.333.000					
Overført tidligere år	3.464.469	457.685		457.685					